



Bok Aorōk eo



Jān Julia Willardson

(Pedped ioon juon bwebwenato emool)

“Ej amj iien nān riit, Baba” Bernice ekar ba. Liin ekar kōpeļļok jeje ko rekwojarjar. Māmā im Baba raar jijet turin liin ioon kauuj eo.

Baba ej riiti eoon eo kein kajuon. “Ijeļā bwe ej iakwe ajri ro nejin.”

“Ijeļā bwe ej iakwe ajri ro nejin,” Bernice ekar āliji.

“Ijo wōt ke,” Baba ekar ba, “Ijjab jeļā meļeļein aolep men.”*

Ijo wōt ke ekar juon naan epen. Bernice ejjañin kar maroñ de riit, im liin ekar jab jeļā ta kar meļeļe in aolep naan ko. Bōtaab liin ekar iakwe āliji naan ko ke baamļe eo an ej riiti jeje ko rekwojarjar ippān doon.

Raan eo tok juon ilo iien jeje ko rekwojarjar, Baba ekar wōr juon an surprise. “Ewōr juon men ippa aorōk nān kwe,” ekar ba. Ekar leļok nān Bernice juon bok. Ekar juon pija in armej ro im juon ļoon eo itumāan.

“Menin ej nān nā?” Bernice ekar kajjitōk. Liin ekar atbakwoj bok eo ekilep ilo pein.

“Nān kwe,” Baba ekar ba. “Lale lowaan.”

Bernice ekar kōpeļļok bok eo. Māj ko mejān raar kilepļok. Ekar kanooj lōñ pija ko rōkōļar.

“Etan kar ba?” Bernice ekar kajjitōk.

Baba ekar jitōñļok naan ko ilo kōbar eo. “Bwebwenato ko an Bok in Mormon,” ekar ba.

Bernice ekar anōk kōn pein naan ko ilo kōbar eo. “Bwebwenato ko an Bok in Mormon,” ekar ba.

“Ekar wōr ejja bwebwenato ko wōt jej riiti kaki ilo jeje ko rekwojarjar,” Māmā ekar ba.

Bernice ekar jitōñļok juon iaan pija ko. “Wōn in?” ekar kajjitōk.

“Hmm. Kwoj ke lo lippōņ eo im mure ko?” Māmā ekar kajjitōk.

Bernice ekar mōmājidiidik.

“Kwoj ke keememej riiti kōn juon eo me ekar wōr juon an lippōņ ekar bülok?” Baba ekar kajjitōk.

“Nipai?” Bernice ekar ba.

“Aaet, ej Nipai,” Baba ekar ba.

Bernice ekar ettōñ dikdik. “Komņmool, Baba. Komņmool, Māmā. Ij iakwe bok in.”

Kajjojo boñ, Bernice ej riiti jeje ko rekwojarjar an ippān Māmā im Baba. Liin ekar jitōñļok pija ko. Liin ekar ekkatak nān ba jet naan ko reppen. Im liin ekar ekkatak nān riiti jet naan ko repidodo kōn e make!

Riiti jeje ko rekwojarjar ekar kōmņman an eñjake mōņōņō. Liin ekar ļudiñdiñ ekar maroñ riiti er ippān Māmā im Baba. ●
Bwebwenato in ekar bōk jikin ilo Democratic Republic eo an Congo.

* 1 Nipai 11:17